

ԿԱՐԵՆ ԱՍՐՅԱՆԸ ԱՇԽԱՐՀԻ ԱՄԵՆԱԵՐԻՏԱՍԱՐԳ- ԳՐՈՍՄԱՅՍԵՐՆԵՐԻՑ ՄԵԿՆ Է

Սլովենիայի Բլեդ քաղաքում ընթացավ ՖԻԳԵ-ի գործադիր կոմիտեի նիստը, որի քննարկած հարցերից մի քանիսը անմիջական առնչություն ունեն հայկական շախմատի հետ:

Ուրախալի է, որ ՖԻԳԵ-ն, չսպասելով իր հերթական կոնգրեսին, միջազգային գրոսմայստերի կոչում շնորհեց 18-ամյա երևանցի Կարեն Ասրյանին:


Հիշեցնենք, որ պատանի շախմատիստը արդեն յոթ անգամ լրացրել էր բարձր տիտղոսի համար սահմանված նորման:

«Շախմատային Հայաստանը» ջերմորեն շնորհավորում է պատանի գրոսմայստերին եւ նրան ցանկանում մարզական ու ստեղծագործական նորանոր նվաճումներ:

Ինչպես հայտնի է, առաջիկա չորս տարիներին Երեւանում անցկացվելու են պաշտոնական խոշորագույն մրցաշարեր: ՖԻԳԵ-ի գործադիր կոմիտեն հաստատեց այդ մրցումների անցկացման կոնկրետ ժամկետները:

Ամենամտական մրցաշարը՝ Եվրոպայի մինչև 20 տարեկան պատանիների եւ աղջիկների առաջնությունը, Երեւանում կանցկացվի այս տարվա սեպտեմբերի 4-18-ը:

Այս Հայաստանի մայրաքաղաքը երկու տարի անընդմեջ կհյուրընկալի աշխարհի մինչև 20 տարեկան պատանիների եւ աղջիկների առաջնություն:



Կարեն Ասրյան

ների մասնակիցներին: 1999 թվականին այդ մրցաշարը կանցկացվի սեպտեմբերի 16-ից մինչև հոկտեմբերի 1-ը, իսկ 2000 թվականին՝ սեպտեմբերի 17-ից մինչև հոկտեմբերի 2-ը:

Վերջապես, Հայաստանում կընթանա երրորդ հազարամյակի անդրանիկ համաշխարհային առաջնությունը. 2001 թվականի հոկտեմբերի 5-15-ը Երեւանում կանցկացվի աշխարհի բիմային առաջնությունը՝ երկրագնդի ուժեղագույն գրոսմայստերների մասնակցությամբ:

Բլեդում Կիրան Բլյումժինովը վերջնականապես հայտարարեց այս տարեվերջին ԱՄՆ-ի Լաս Վեգաս քաղաքում աշխարհի անհատական առաջնության անցկացման մասին: Հարյուր ուժեղագույն շախմատիստների մասնակցությամբ անցկացվելիք այդ մրցաշարը կենկանրկի դեկտեմբերի 3-ին կամ 6-ին:

Մրցաշարի կազմը պետք է ճշգրտվի մինչև նոյեմբերի 1-ը: Մասնակիցների մի մասը կընտրվի անհատական գործակիցներով: Պետք է ենթադրել, որ նրանց մեջ իր հաստատուն տեղը կունենա Վլադիմիր Հակոբյանը: Լաս Վեգասի մրցաշարի տեղերի մեծ մասը հատկացված է վեջային մրցաշա-

րերին: Հիշեցնենք, որ Հայաստանը մտնում է եվրոպական 5-րդ գոտու մեջ, որում ընդգրկված են նաև Հարավսլավիան, Հունաստանը, Վրաստանը, Թուրքիան, Կիպրոսը, Մալթան եւ Ալբանիան: Նախատեսվում է մեր գոտու մրցաշարն անցկացնել համաշխարհային օլիմպիադայից հետո, հոկտեմբերի երկրորդ կեսին: Եթե անցյալում եվրոպական 5-րդ գոտուց աշխարհի առաջնություն էին մեկնում երեք հաղթողներ, ապա այժմ այդ իրավունքը կտրվի չորս լավագույնների:

Աշխարհի առաջնության մի քանի տեղեր հատկացված են ուժեղագույն պատանի շախմատիստներին: Խոսքը վերաբերում է, մասնավորապես, աշխարհի մինչև 20 տարեկանների չեմպիոններին: Այնպես որ, օրինակ, Ասրյանը կարող է փորձել Լաս Վեգասի ուղեգիր նվաճել՝ մասնակցելով մինչ այդ Հնդկաստանում անցկացվելիք աշխարհի պատանեկան առաջնությանը: Բայց բացառված չէ, որ մեր երիտասարդ գրոսմայստերը բաղձալի իրավունքը կստանա ավելի շուտ: «Գաղտնիքն» այն է, որ այն պատանի շախմատիստները, որոնց «էլոն» կհատի 2600-ի սահմանագիծը, ինքնաբերաբար կստանան աշխարհի տղամարդկանց առաջնությանը մասնակցելու իրավունք: Եվ ըստ նախնական հաշվարկների, Կարենի գործակիցը հուլիսի 1-ի դրությամբ կարող է հասնել ցանկալի ցուցանիշի:

Բլեդում Բլյումժինովը հայտարարեց, որ Լաս Վեգասում մրցանակային ընդհանուր գումարը հավասար կլինի 3 միլիոն՝ ամերիկյան դոլարի: ՖԻԳԵ-ի նախագահը այս կապակցությամբ շեշտեց, որ աշխարհի առաջնության ֆինանսական պայմանները փաստորեն 20 տոկոսով բարելավվում են, քանի որ նախկին 5 միլիոնը սահմանված էր երկու տարին մեկ անցկացվող առաջնությունների համար: Իսկ այժմ, քանի որ այդ մրցաշարերը նախատեսվում է անցկացնել ամեն տարի, նույն ժամանակահատվածի համար մրցանակային գումարը կազմում է 6 միլիոն ամերիկյան դոլար:

ՇԱՅՄՍԱՍԵՐ ԲԱՐԵԿԱՏ

Մեր պարբերականի այս համարի նյութերը պատմում են Սլովենիայի Բլեդ քաղաքում անցկացված ՖԻԳԵ-ի գործադիր կոմիտեի նիստի, Էլիստայում ավարտին մոտեցող Իլյումժինովի գավաթի խաղադրության մասին: Առաջին հայացքից միանգամայն տարբեր այս իրադարձություններին միավորում է մի ընդհանուր նպատակակետ՝ տարեվերջին ՖԻԳԵ-ի վարկածով անցկացվելիք աշխարհի նոր առաջնությունը, որի մասնակիցների մեջ կլինեն Հայաստանի ուժեղագույն շախմատիստները: